

Menningar- og íþróttasvið f.h. Reykjavíkurborgar, kt. 530269-7609, og Heimsleikhúsið ehf., kt. 430304-2590, gera með sér svofelldan:

### **SAMSTARFSSAMNING**

um fjárstuðning Reykjavíkurborgar við Reykjavík Ensemble á tímabilinu 1. janúar 2023 til 31. desember 2025.

#### **1. gr. Markmið og framlag Reykjavíkurborgar**

Meginmarkmið með stuðningi Reykjavíkurborgar við Reykjavík Ensemble er að:

- styðja við nýsköpunar-og frumkvöðlastarf með íslensku og fjölþjóðlegu sviðslistafólki, óháð uppruna, fötlun, menningu, kynferði, og móðurmáli
- auka fjölbreytni, inngildingu og aðgengi í íslenskrum sviðslistasenu
- tryggja sjálfbærni og starfsgrundvöll fjölmenningsleikhúss í borginni

Á samningstímanum skuldbindur Reykjavíkurborg sig til að greiða Heimsleikhúsin ehf. fjárhæðina kr. 2.000.000 árlega á tímabilinu 2023-2025.

Greiðsla framlags skiptist þannig á ári hverju:

kr. 1.000.000 1.-3. mars

kr. 1.000.000 1.-3. júní

Framlag borgarinnar greiðist inn á bankareikning Heimsleikhússins nr. 0101-26-001624.

Framlög Reykjavíkurborgar vegna árána 2024 og 2025 eru með fyrirvara um samþykkt fjárhagsáætlunar þeirra ára. Verði gerð umtalsverð breyting til lækkunar á fjárveitingu til samningsins á fjárhagsáætlun taka aðilar upp viðræður um aðlögun samstarfsins að breyttri fjárveitingu.

#### **2. gr. Forsaga, markmið og framlag Reykjavík Ensemble**

Reykjavík Ensemble, leikhús fjölmenningsarinnar á Íslandi, var stofnsett árið 2019 sem viðbragð við þeirri staðreynd að fjölþjóðlegir listamenn voru ósýnilegir og jaðarsettir í íslenskrum sviðslistasenu. Leikhópurinn er nýtt og leiðandi sviðslistaafli sem ryður brautina til framtíðar með breyttum áherslum og hugmyndum sem þjóna og styðja við þessa menningarlegu umbreytingu úr einsleitni yfir í fjölbreytni. Reykjavík Ensemble vinnur nýsköpunar-og frumkvöðlastarf með íslensku og fjölþjóðlegu sviðslistafólki, óháð uppruna, fötlun, menningu, kynferði, og móðurmáli þess. Sýningar og verkefni leikhópsins byggja á rannsóknum á menningarlegri fjölbreytni og hafa skapað ótal störf og þátttökutækifæri fyrir sviðslistamenn og fjölmenningsarsamfélagið á Íslandi. Starfsemi er skipulögð og starfrækt á ársgrundvelli. Leikhópurinn starfar að aðgengi og inngildingu með fjölbreyttum verkefnum og starfsemi, svo sem sýningum, borgarlistmenntun (Leikhópur ungra fólksins / Íslenskunám fyrir innflytjendur með aðferðum leiklistar / Frá síðu á svið – námskeið í skapandi skrifum og leiksköpun), rannsóknarverkefnum á sviði menntunar og inngildingar (tvö Erasmus+ verkefni; Borgarlistmenntun fyrir jaðarsett fullorðið fólk og Young Thespians) og að lokum alþjóðlegu samstarfi eins og norræna samstarfsverkefninu Babette's Feast, pólsk-íslensku samstarfi um símenntun eldri borgara í skapandi skrifum og leiksköpun, New Nordic Network og Artival listahátíð.

Markmið Reykjavík Ensemble er að:

- sameina fólk frá mismunandi menningu og uppruna og skapa aðstæður og rými þar sem það getur numið og starfað í samræmi við menntun, reynslu og listræna verðleika
- tryggja starfsgrundvöll og sjálfbærni heimsleikhúss fjölmeningarinnar svo það geti starfað á ársgrundvelli og staðið fjárhagslega undir þeirri atvinnuuppbyggingu og starfsemi sem leikhópurinn beitir sér fyrir í þágu aðgengis og inngildingar fyrir jaðarsett og fjölbjóðlegt sviðslistafólk
- þróa, fjármagna og framleiða sviðslistasýningar fyrir fjölbjóðlegan atvinnuleikhóp Reykjavík Ensemble
- starfa að aðgengi og inngildingu með skapandi sviðslistasýningum sem eiga erindi við fjölbreyttan og fjölbjóðlegan áhorfendahóp

### **3. gr. Ábyrgð**

Heimsleikhúsið ehf. ber ábyrgð á að starfsemi Reykjavík Ensemble fullnægi kröfum um fagmennsku og gæði. Heimsleikhúsið ber ábyrgð á skuldbindingum sem Reykjavík Ensemble eða tengdir aðilar stofna til í tengslum við þennan samning. Heimsleikhúsinu er með öllu óheimilt að framselja greiðslur samkvæmt samningi þessum til þriðja aðila og setja hann með öðrum hætti til tryggingar fjárskuldbindingu.

### **4. gr. Kynningarmál**

Heimsleikhúsið ehf. ber ábyrgð á markaðssetningu Reykjavík Ensemble. Á öllu kynningarefni Reykjavík Ensemble, jafnt innanlands sem utan, skal koma fram á áberandi hátt að Reykjavík Ensemble sé styrkt af Reykjavíkurborg með því að geta Reykjavíkurborgar sem bakhjarls og með því að hafa lógó Reykjavíkurborgar sýnilegt. Þá skal þess gætt að geta Reykjavíkurborgar sem bakhjarls og samstarfsaðila í ræðu og riti þegar Reykjavík Ensemble er kynnt í fjölmiðlum – þar sem því verður komið við og þykir eðlilegt.

Hafa má samstarf við Reykjavíkurborg til að kynna og markaðssetja viðburði sem ætla má að höfði til íbúa og erlendra gesta. Reykjavíkurborg fær myndir af viðburðum ef óskað er eftir og/eða má senda ljósmyndara til að afla markaðsefnis fyrir almennt markaðsstarf fyrir Reykjavík.

### **5. gr. Samskipti og eftirlit**

Skrifstofa menningarmála á menningar- og íþróttasviði Reykjavíkurborgar er tengiliður samningsins við Heimsleikhúsið ehf. Samráðsfundir samningsaðila skulu haldnir í maí eða júní ár hvert 2023-2025, þar sem farið verður yfir framkvæmd samningsins. Heimsleikhúsið ehf. leggur á þeim fundi fram endurskoðað uppgjör eða áritaðan ársreikning og skýrslu vegna fyrra árs ásamt áformum um hvernig starfsemi á yfirstandandi ári og þess næsta muni uppfylla markmið samningsins. Skrifstofustjóri menningarmála boðar til fundanna.

## 6. gr. Vanefndir og meðferð ágreinings

Telji Heimsleikhúsið ehf. hættu á að geta ekki uppfyllt samningsbundnar skyldur sínar skal tengilið Reykjavíkurborgar á menningar- og íþróttasviði tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð, er Reykjavíkurborg heimilt að fella niður greiðslur þar til Heimsleikhúsið ehf. hefur sýnt fram á að það muni standa við samningsbundnar skyldur sínar samkvæmt ákvæðum samningsins, en að öðrum kosti rifta samningnum. Ef sýnt þykir að framlag Reykjavíkurborgar hafi verið notað í öðru skyni en samkvæmt samningi þessum, áskilur Reykjavíkurborg sér rétt til að krefjast endurgreiðslu framlagsins að hluta eða öllu leyti eða rifta samningnum.

## 7. gr. Gildistími

Samningur þessi er gerður í samræmi við samþykkt menningar-, íþrótt og tólmstundaráðs þ. 28. nóvember 2022 um styrkveitingar ráðsins fyrir árið 2023. Samningurinn gildir til 31. des. 2025. Samningurinn er gerður í tveimur samhljóða eintökum og heldur hvor samningsaðili sínu eintaki.

## 8. gr. Breytingar á samstarfssamningnum

Samningur þessi er lýsing á samnings sambandi aðila, réttindum þeirra og skyldum og gengur frammar fyrri skuldbindingum, munnlegum og skriflegum eða öðrum samskiptum. Viðbætur við samning skulu vera skriflegar og undirritaðar af samningsaðilum.

## 9. gr. Staðfesting og meðferð ágreiningsmála

Samningurinn er gerður með fyrirvara um samþykkt borgarráðs og samþykkt fjárhagsáætlunar Reykjavíkurborgar vegna ára 2024 og 2025. Rísi mál út af samningi þessum skal það rekið fyrir Héraðsdómi Reykjavíkur.

Samningur þessi er staðfestur með rafrænni undirritun fulltrúa beggja aðila samningsins.

f.h. Reykjavíkurborgar,  
María Rut Reynisdóttir

f.h. Heimsleikhússins ehf.,  
Pálína Jónsdóttir